



HiHo Regular Scholarship Program

Layunin

Layon ng HIHO *Regular Scholarship Program* na mabigyan ng pagkakataon ang batang Pilipino na makapag-aral sa HiHo sa pamamagitan ng *subsidized* na pag-aaral. Maaaring makatanggap ang mag-aaral ng 30% *scholarship* mula *tuition fees* lang (*monthly scheme* lang ang *payment option*). Ibinibigay ito sa mga batang aplikante na mayroong mabuting kaugalian at nakapagpakita ng markang katanggap-tanggap para sa HiHo.

SAKOP NG PROGRAMA

Ang programa ay sasakop sa mga kabataang nakatanggap ng maayos na marka ngunit may mga magulang na sapat lamang ang kakayahan para mapag-aral ang kanilang anak nang walang kalabisan. Maaari lamang mag-*apply* sa kahit saang *scholarship program* ng hindi hihigit sa dalawang beses sa isang taon.

I. Mga Kuwalipikasyon at Pangangailangan para Makapasa

Bukas ang *Regular Scholarship* na ito sa mga batang Pilipinong may mga sumusunod na kuwalipikasyon:

A. Pang-akademikong Kuwalipikasyon para sa Bagong Aplikante

- Para sa nag-aaply para sa 30% scholarship, ang bata ay nakatanggap ng *general average* na hindi bababa sa 85% sa lahat ng kapat at walang markang mas mababa pa sa 82% sa alinmang asignatura mula sa nakaraang taong pang-akademiko.

B. Pangkalahatang Pamilyang Kuwalipikasyon para sa Lahat ng Iskolar

- Ang taunang kita (*gross*) ng ama at ina (o kung isa lamang ang nagtatrabaho) na may isang anak na binubuhay ay hindi hihigit sa P300,000. Katibayan nito ay ang *BIR-validated Income Tax Return*, mga *payslips*, o anumang katibayan o sertipikasyong manggagaling sa baranggay na kinabibilangan. Karagdagang pag-aaral sa kapasidad ng pamilya ang gagawin kung sakaling higit sa isang anak ang binubuhay o higit sa P300,000 na taunang suweldo ang natatanggap ng mga magulang.
- Kopya ng electric or water bill.
- Mga resibo at katunayang dokumento kung mayroon mang malaking pinagkakagastusan ang mga magulang na mahalaga sa pamilya (tulad ng pagpapagamot mula sa malubhang karamdaman o trahedyang dumating sa pamilya na mangangailangan ng matagalang paggastos).
- Ang pamilya ay namumuhay ng payak at walang luho o ari-ariang masasabing kalabisan (tulad ng higit sa isang sasakyan, malaking tahanan o mamahaling kagamitan). Patutunayan ito sapamamagitan ng pagtanggap ng pamilya papasok sa kanilang tahanan ang mga school representatives kapag dumalaw ang mga ito.
- May mga magulang na malakas ang adhikang makapagtapos ang mga anak hanggang kolehiyo.
- Aktibo ang pagsuportang ipamamalas ng magulang sa paaralan sapamamagitan ng paglahok sa lahat ng buwanang pagtatanghal ng mga bata. *Required* dumalo ang magulang sa hindi bababa sa dalawang DIALOGUES at PASTA activities ng paaralan. Itatala ang mga pagkakataon ng pakikilahok. Maaaring maka-apekto sa pagpapatuloy ng *scholarship* ang pagliban sa mga gawaing pampaaralan.

**Karagdagang imbestigasyon ang gagawin ng paaralan upang matiyak ang kawastuhan ng mga impormasyong hinihingi mula sa pamilya ng aplikante. Kung hindi makumpleto ng mga school representatives ang katiyakan ng mga impormasyong ibinigay dahil sa isa o higit pang kadahilanan, tulad ng hindi pinayagang makapasok sa tahanan ang mga representatives, maaaring maging dahilan ito ng pag-deny sa aplikasyon.*

C. Dagdag Kuwalipikasyon para sa mga Bagong Aplikante

- Ang *deportment o conduct mark* sa anumang kapat noong nakaraang taon ay hindi bababa sa 85%, B o katumbas mula sa paaralang huli niyang pinanggalingan.
- Kailangang makakuha ng 75% pataas sa *entrance exam*.

D. Diskwalipikasyon

- Hindi maaaring nakapag-aral sa HiHo na nakabayad ng buong *tuition fees* ng tatlo o higit pang taon.

II. Paraan sa Paghahain ng Aplikasyon

1. Punan ang Scholarship Application Form mula sa www.hiholearningcenter.com/scholarship ;
2. I-scan ang mga hinihinging dokumento at i-upload sa website habang nag-fifill-out ng scholarship form ;
3. Hintayin ang tawag o text msg. ng paaralan para sa petsa ng interview at ebalwasyon

III. Dokumentong I-upload sa Website

1. Para sa pampinansiyal na kakayahan ng mga magulang: *Tatlong (3) buwang payslips, Income Tax Return, o Baranggay Clearance* ng lahat ng nagtatrabaho para sa pamilya
2. Para sa *address* ng tahanan: electric bill, water bill o credit card bill
3. Kung may pinagkakagastusan ng malaki: katunayan tulad ng mga resibo ng gamot o treatment, sulat o affidavit mula sa kinauukulang tao, pangkat o institusyong binabayaran o pinagkaka-utangan – mangangailangang patunayan ng mga magulang na sila ang nagbabayad ng mga gastusing ito at hindi umaasa sa padala o kamag-anak.
4. Report Card noong nakaraang taon.

IV. Mga Kailangan para sa Pagpapatuloy ng Scholarship

Hinihikayat ang lahat ng iskolar ng *HiHo Regular Scholarship Program* na magpamalas ng magandang marka sa bawat bahaging pang-akademiko at *character development* upang maipagpatuloy ang *scholarship* na ibinibigay sa kanila. Dapat tandaan ng mga aplikante at mga magulang ang mga sumusunod:

- Para sa lahat ng iskolar, hindi maaaring makakuha ng markang mas mababa pa sa AA sa lahat ng *minor subjects* at anumang bahagi sa *department* sa kahit anumang kapat sa loob ng isang taong pang-akademiko. Kung sakaling hindi umabot ang iskolar sa markang ito, siya ay *automatic* na matatanggalan ng *scholarship* at kakailanganin na niyang magbayad ng *tuition* sa susunod na kapat o taon batay sa orihinal na *monthly scheme*.
- Para sa mga may *30% tuition fee scholarship*, hindi maaring makakuha ng general average na mas mababa sa AV sa anumang kapat sa loob ng isang taong pang-akademiko. Kung sakaling hindi umabot ang iskolar sa nakatakdang marka, siya ay magiging PROBATIONARY para sa susunod na kapat. Kung sakaling makatanggap ang iskolar ng higit isang PROBATIONARY sa loob ng isang taon, tatanggalin agad ang kaniyang orihinal na *scholarship* bago magsimula ang panibagong kapat at kinakailangang magbayad ng *tuition* batay sa orihinal na *monthly scheme*.
- Maaaring maibalik ang kaniyang *scholarship* matapos ang dalawang sunod na kapat na may markang angkop sa antas ng *scholarship* na nais pasukan.
- Taun-taon gagawin ng mga magulang ang pagpapatunay na ito upang ipakita ang patuloy nilang pagsuporta sa layunin ng *HiHo Regular Scholarship Program*. Hindi *automatic* ang pagtanggap ng *scholarship* kada taon. Dumadaan muli sa pagsusuri ng School Council ang mga nais magpatuloy ng kanilang *scholarship*. Hinihingi mula sa mga magulang ang mga sumusunod bago magsimula ang bagong taong pang-akademiko:
 - Bagong aplikasyon para sa Scholarship mula sa www.hiholearningcenter.com/scholarship
 - Pinaka bagong mga Payslips, Income Tax Return ng lahat ng nagtatrabaho para sa pamilya, o Baranggay Clearance (*indigent certificate*).
 - Mga bagong katunayan ng mga gastusing mahalaga para sa pamilya (mga resibo, sulat, atbp)